


文翰大成

百五十二



碑碣

自漢至唐

					漢書門
		三七四	一四一		
	五	三			
冊	架	函	號	類	

庫	文	閣	內	
三	三	三	三	漢
三	三	三	三	書
三	三	三	三	類

內閣文庫	
番號	漢 3741
冊數	100 (92)
函號	362 63



綴じ部(喉部分)の文字など開きが不鮮明な箇所あり

文翰類選大成卷第一百五十二

左長史上海李伯璵編輯

紀善慈谿馮厚校正




碑碣類

漢

郭有道碑

蔡伯喈

先生諱泰字林宗太原介休人也其先出自有周王季之穆有號州者實有懿德文王咨焉建國命氏或謂之郭即其後也先生誕應天衷聰睿明哲孝友溫恭仁篤慈惠天其器量弘深姿度廣太浩浩為汪汪焉與乎不可測已若乃砥節厲行直道正辭貞固足以幹事隱括足以矯時遂考覽六經採綜圖緯周流華夏隨集帝學收文武之將墜拯微言之未絕



于時纓綬之徒紳珮之士望形表而影附聆嘉聲而響和者猶百川之歸巨海鱗介之宗龜龍也爾乃潛隱衡門收朋勤誨童蒙賴焉用祛其蔽州郡聞德虛已備禮莫之能致群公休之遂辟司徒掾又舉有道皆已疾辭將蹈鴻崖之遐迹絕巢許之絕軌翔區外以舒翼超天衢以高峙稟命不融享年四十有二以建寧二年正月乙亥卒凡我四方同好之人永懷哀悼靡所寘念乃相與惟先生之德以謀不朽之事僉以為先民既沒而德音猶存者亦賴之於見述也今其如何而關斯禮於是樹碑表墓昭銘景行俾芳烈奮于百世今聞顯於無窮其辭曰。

於休先生明德通玄純懿泝靈受之自天崇北幽浚如山如淵禮樂是悅詩書是敦匪惟擬華乃尋厥根宮牆重仞允得其門懿乎其純確乎其操洋々搢紳言觀其高棲遲泌丘善誘能教赫々三事幾行其招委辭召貢保此清妙降年不永民斯悲悼爰勒茲銘摘其光曜嗟爾來世是則是効

陳太丘碑

先生諱寔字仲弓潁川許人也含元精之和應期運之數兼資九德摠脩百行於鄉黨則恂々焉彬彬々焉善誘善導仁而愛人使夫少長咸安懷之其為道也用行捨藏進退可度不徼許以干時不遷怒以臨下四為邵功曹五辟豫州六辟三府再辟大將軍宰聞喜半歲太丘一年德務中庸教敷不肅政以禮成化行有謚會遭黨事禁錮二十年樂天知命澹然自逸交不諂上愛不瀆下見機而作不俟終日及文書赦宥時年已七十遂隱丘山懸車告老四門備禮悶心靜居大將

軍何公。司徒袁公。前後招辟。使人曉喻。云欲特表。便可入踐常伯。超補三事。紆佩金紫。光國垂勛。先生曰。絕望已久。飾巾待期而已。皆遂不至。弘農楊公。東海陳公。每在衮職。群寮賀之。皆舉手曰。潁川郡。陳君絕世超倫。大位未躋。慚於文仲。竊位之負。故時人高其德。重乎公相之位也。年八十有三。中平三年八月丙午。遭疾而終。臨沒。顧命留葬所。卒時服素。棺槨財周。觀喪事。唯約用。過乎儉。群公百僚。莫不咨嗟。巖藪知名。失聲揮涕。大將軍弔祠。錫以嘉謚。曰徵士。陳君稟岳瀆之精。苞靈曜之純。天不憇遺老。俾屏我王。梁崩哲萎。于時靡憲。播紳儒林。論德謀跡。謚曰文範先生。傳曰。郁乎文哉。書曰。洪範九疇。彝倫攸叙。文為德表。範為士則。存誨沒號。不亦宜乎。三公遣令史祭。以中牢。刺史敬弔。太守南陽曹府君。命官作誄曰。赫矣陳君。命以是生。含光醇德。為士作程。資始既正。守終又令。奉禮終沒。休矣清聲。遣官屬。採吏前後。赴會刊石。作銘。府丞與比縣。會葬。荀慈明。韓元長等五百餘人。總麻設位。哀以送之。遠近會葬。千人已上。河南尹。种府君。臨郡。追歎功德。述錄高行。以為遠近。鮮能及之。重部大掾。以成時銘。斯可謂存榮沒哀。死而不朽者已。乃作銘曰。

齊

司徒褚淵碑

王仲寶

名儉。琅邪人。拜秘書郎。

夫太上有立德。其次有立功。此之謂不朽。所以子產云。言宣

尼泣其遺愛。隨武既沒，趙文懷其餘風於文簡公見之矣。公諱淵，字彥回，河南陽翟人也。徵子以至仁開基，宋段以功高命氏，爰逮兩漢，儒雅繼及。魏晉以降，奕世重暉。乃祖太傅元穆公，德合當時，行比州壤，深識臧否，不以毀譽形言。亮采王室，每懷沖虛之道，可謂婉而成章，志而晦者矣。自茲厥後，無替前規，建官惟賢，軒冕相襲。公稟川嶽之靈，暉含珪璋而挺曜，和順內凝，英華外發。神茂初學，業隆弱冠，是以仁經義緯，敦穆於閨庭，金声玉振，寥亮於區宇。孝敬淳深，率由斯至，盡歡朝夕，人無閒言。逍遙乎文雅之園，翱翔乎禮樂之海，風儀與秋月齊明，音徽與春雲等潤。韻宇弘深，喜愠莫見，其際心明通亮，用人言必猶於己，汪汪焉洋洋焉。之不濁，素陽源才氣高奇，綜覈精裁，宋文亦端明臨朝鑒賞

無昧，素既延譽於遐邇，文亦定婚於皇家。尚餘姚公主，拜駙馬都尉，漢結外高，晉姻武子，方斯蔑如。薛褐著作佐郎，轉太子舍人，濯纓登朝，冠冕當世。升降兩宮，實惟時寶，具瞻之範，既著台衡之望。斯集出參太宰軍事，入為太子洗馬，俄遷祕書丞，贊道槐庭，司文天閣，光昭諸侯，風流籍甚。以父憂去職，喪過乎哀，幾將毀滅，有識留感。行路傷情，服闋除中書侍郎，王言如絲，其出如綸，恪居官次，智効惟穆。于時新安王寵冠列藩，越敷邦教，毗佐之選，妙盡國華。出為司徒右長史，轉司書吏部郎，執銓以平御煩，以簡裝楷，清通主戎簡要，復入為侍中，曾不移朔，遷吏部尚書。是時天元戎啓行，衣冠未緝，內贊謀謨，外康流品，斯明賞不失勞，舉無失德，績簡帝心，聲敷物

制勝既過

聽事寧領太子右衛率國讓不拜尋領驍騎將軍以唯慳之  
功應庸祗之秩封零都縣開國伯食邑五百戶既秉辭梁之  
分又懷寢丘之志所受田邑不盈百井久之重為侍中領右  
衛將軍盡規猷替均山甫之庸緝熙王旅兼方幹之望丹陽  
宗輔遠近攸則吳興衿帶實惟股肱頻作二守並加蟬冕政  
以禮成民是以息明皇不豫儲后幼冲貽厥之寄允屬時望  
徵為吏部尚書領衛尉國議不拜改授尚書右僕射端流平  
衡外寬內直弘二八之高躋宣由庶而垂詠太宗即世遺命  
以公為散騎常侍中書令護軍將軍送往事居忠貞允亮秉  
國之均四方是維百官象物而動軍政不戒而備公之登太  
階而尹天下君子以為美談亦由孟軻致欣於樂正羊職悅  
賞於士伯者也丁所生母憂謝職毀疾之重因心則至朝議  
以有為之曾侯垂式存公忘私方進明准爰降詔書敦還  
攝任固請移歲表奏相望事不我與屈已弘化值三季在辰  
威蕃內侮桂陽失圖窺窬神器鼓棹則滄波振蕩建旗則日  
月蔽虧出江派而風翔入京師而雷動鳴控絃於宗稷流鋒  
鏃於象魏雖英宰臨戎元渠時殄而餘黨寔繁宮廟憂逼公  
乃摠熊羆之士率不貳心之臣戮力盡規克寧禍亂康國祚  
於綴旒拯王維於已墜誠由太祖之威風抑亦仁公之翼佐  
可謂德刑詳禮義信戰之器也以靜難之功進爵為侯兼授  
尚書令中軍將軍給班劔二十人功成弗有固秉撝挹改授  
侍中中書監護軍如故又以居母艱去官雖事緣義感而情  
均天屬顏丁之合禮二連之善喪亦曷以踰天厭宋德水運  
告謝嗣主荒怠於天位疆臣憑陵於荆楚廢昏繼統之功龕

亂寧民之德。公實仰贊宏規。參閱神筭。雖無受脤出車之庸。亦有甘寢秉羽之績。乃作司空。山川攸序。兼授衛軍。戎政輯睦。既而齊德龍興。順皇高禩。深達先天之運。匡贊奉時之業。獨諧允正。徽猷弘遠。樹之風聲。著之話言。亦猶稷契之臣。虞夏荀裴之奉。魏晉自非坦懷。至公永監。崇替孰能。光輔五君。蚤亮二代者。執大啓南。慶爰登中。鉉時膺土宇。固辭邦教。今之尚書令。古之冢宰。雖秩輕於衮司。而任隆於百辟。暫遂冲旨。改授朝端。邇無異言。遠無異望。帝嘉茂庸。重申前冊。執五禮以正民。簡八刑而罕用。故能騁績康衢。延慈捨后。義在資敬。情同布衣。出陪鑾端。入奉帷殿。仰南風之高詠。養東野之秘寶。雖送於聽政之晨。披文於宴私之夕。參以酒德。間以琴心。履有命。時遙然。田想君垂。及日之溫。臣肅秋霜之戒。肅恭焉。穆。焉。來。是。見。君。親。之。同。致。知。在。三。之。如。一。大。祖。升。遐。繼。繆。遠。寄。以。侍。中。司。徒。錄。尚。書。事。稟。玉。璽。之。制。奉。綴。衣。之。禮。擇。皇。齊。之。令。典。致。聲。化。於。雍。熙。內。平。外。成。實。昭。藉。職。增。給。班。劍。三十人。物有其容。徽章斯久。位尊而禮卑。居高而思降。自夏徂秋。以疾陳退。朝廷重違謙光之旨。用申起世之尚。改授司空。領驃騎大將軍。侍中錄尚書如故。景命不永。大漸彌留。建元四年八月二十一日。薨于私第。春秋四十有八。昔柳莊疾棘。衛君當祭而輟禮。晏嬰既往。齊君趨車而行哭。公之云亡。聖朝震悼於上。群后恇慟於下。豈惟哀纏一國。痛深一主而已哉。追贈太宰。侍中錄尚書如故。給節羽葆。鼓吹班劍。為六十人。謚曰文簡。禮也。夫乘德而慶。萬物不能害其真。虛已以游。當世不能擾其度。均貴賤於條風。忘榮辱於彼我。然後可。

兼善天下。聊以卒歲。經始圖終。式免祗悔。誰云克備。公實有  
為。是以義結君子。惠霑庶類。言象所未形。述詠所不盡。故吏  
某甲等。感逝川之無捨。哀清暉之眇默。餐輿誦於丘里。瞻雅  
詠於京國。思衛鼎之垂文。想晉鐘之遺則。方高山而仰止。刊  
玄石以表德。其辭曰。

辰精感運。昂靈發祥。元首惟明。股肱惟良。天鑑璿曜。運武前  
王。欽若元輔。體微知章。永言必孝。因心則友。仁洽兼濟。愛深  
善誘。觀海齊量。登嶽均厚。五臣茲六。八元斯九。內謨帷幄。外  
曜台階。遠無不肅。邇無不懷。如風之偃。如樂之諧。光我帝典。  
緝彼民黎。率禮蹈謙。諒實身幹。跡屈朱軒。志隆衡館。眇玄  
宗。萋辭翰。義既川流。文亦霧散。嵩構云頽。梁陰載缺。德猷  
靡嗣。儀形長逝。悃悃餘。鏘洋遺烈。久而彌新。用而不竭。

周車騎大將軍賀婁公神道碑

庾子

昔者軒丘命氏。初分兄弟之姓。若水降居。始建諸侯之國。自  
是以官為族。因地為宗。水泝枝分。其可知矣。公諱慈。字元達。  
本姓張。清河東武城人也。仕於周。張仲為孝友。謀於晉。張彥  
為賢臣。韓有開地。則五世強國。趙有孟談。則三卿不戰。祖慶  
少習邊將。憑仗智勇。雖復五車竹簡。不取博士之名。一卷兵  
書。即以將軍自許。角端在手。必無齊魯之侵。蓮花插腰。甚得  
蛟龍之氣。為車騎大將軍。儀同三司。散騎常侍。霸城縣開國  
伯。贈河州刺史。父燦。公子公孫。有鎡基於天下。良弓良冶。有  
世業於家風。書則百家可知。劍則千人可敵。三槐以鷲鼎象  
物。知其神。軒五等以桓珪旆。疑瑞守其宮室。君以才望兼而  
受之。終於使持節。車騎大將軍。儀同三司。散騎常侍。武定縣



開國公贈河州刺史公秉山岳之靈受星辰之氣年在髫髻  
甫就勝衣竹馬來迎已知名於郭伋羊車載道即見賞於王  
澄豈直童子明經書上說卦而已至如禪河清論秋水高談  
故以辨折龜林聲馳鹿野國家官族君為首姓起家車騎大  
將軍儀同三司襲爵為公增邑合一千六百戶弱冠登朝傳  
呼甚寵漢魏台鼎故無此中朝方伯罕有其年大冢宰任  
愬機衡是勤王畧惜君忠壯委以爪牙乃領左廂親信出  
梁州防主華陽西極漢水東流巴濮既寧沉黎即靜保定四  
年王師北伐以君驍勇被召將兵師下宜陽身登函谷將燒  
白馬之城以覆烏巢之壘既而中途甚雨未獲圍原軍師聞  
喪不成侵宋柱國趙王今上之第九弟也文則河間上書  
則任城置陣作鎮峽丘揚旂錦水白虎之俗難安論說之  
不實以君智略入佐中權天和元年授使持節大都督治  
國愬府司錄仍轉司馬餘官封如故相如西喻鏤石於靈山  
武侯南征浮船於瀘水方之今日彼獨何人九品課工為上  
之下四年入朝歸事宰旅即受載師大夫特命齊國尋盟出  
境即用和隣入國聞喪仍從會葬之禮可使南面此之謂乎  
尋以本官入治軍正至如渭水兵書在心為志軒丘陣法聚  
石成圖既得師不疲勞兵無怨讟入陪中禁更領儀同郎客  
城池門闌戶籍咸資巡警並用司存帝城近臣公室密戚如  
逢司隸似畏都官既而孤城鄭姬不相其年巴水深翁不醫  
其疾春秋三十有三奄捐官舍呂子明之疾甚歎軫吳王阮  
元瑜之長逝悲深魏主有詔贈其官禮也以建德四年三月  
日歸葬於河州苑川郡之禁山公六郡良家西河昂族地壯

金行人雄塞氣兵書七卷。河水浮來射法三篇。天弧夜下鋒  
旗不息。刁斗恒驚。猶得馬上讀書。軍中習禮。太史子義善於  
謀策。諸葛公休長於撫馭。四代儀同三司。七世河州刺史。鍾  
鼎成列。冠蓋連陰。所謂生為貴臣。死為貴神者也。但以遊魂  
久客。反桑途遠。道阻山長。妻孤子幼。哀聲滿野。愁氣連雲。況  
復松檟飄飄。方臨武威之戍。丘陵迥遠。直對臨洮之城。馬援  
亡於武溪。尸柩返於魏里。梁鴻死於會計。妻子歸于平陵。嗚  
呼哀哉。崎嶇遠矣。昔者繁昌祠前。即有黃金之碣。德陽墓下  
猶傳青石之碑。是謂勳功。乃為銘曰。

七葉佐漢。五世相韓。忠臣入仕。孝友當官。青城仙洞。黃石祠  
壇。臺堪走馬。書是迴鸞。武定風颭。霸城嚴肅。並馳雙傳。俱分  
兩竹。重世刺舉。連鑣衣服。草靡青丘。風馳赤谷。世不乏賢。挺

茲上嗣。孝有三德。忠無二志。劔足身挺。書堪面試。旂節既秉。  
高蟬且珥。龜轉印函。蛇盤綬笥。左右將軍。前後常侍。繼踵五  
侯。因循三事。旂旒九坂。艦舳双流。還驅木馬。更引金牛。江波  
錦落。火井星浮。躡酒望帝。安歌蜀侯。受服河陽。偏師洛浦。置  
陣成皋。連旗廣武。朝兵滅竈。夜營多鼓。箭起六檠。鋒摧九虎。  
倏忽人世。俄然今古。崇發兩星。鑿驚二豎。遊魂通夢。言反舊  
塋。紫泥賜冊。黃腸贈行。途登石紐。路入金城。寒關樹直。秋塞  
雲平。劍埋合柱。書藏鑿楹。武侯為廟。樂公為社。雲蓋低臨。霓  
裳紛下。碑枕金龜。松橫石馬。永矣身世。留名華夏。

唐

中書令梁國公姚崇神道碑

張道濟

叙曰。八柱承天。高明之位。寧四時成歲。亭育之功。存畫為九

州禹也。堯享鴻名，播時百穀，棄也。舜稱至德，由此言之，知人則括非賢罔入，致君堯舜，何代無人。有唐元宰曰：梁文貞公者，位為帝之四輔，才為國之六翮，言為代之軌物，行為人之師表。蓋維嶽降神，應時而出者也。公諱崇，字元之，姚姓，有虞之後，遠自吳興，近徙于陝，今家洛陽焉。烈考長沙文獻公，樹勛王室，建旗舊府，公純綺而孤克，廣前業，激昂成學，榮問日流。武庫則矛戟森然，文房則禮樂盡存，弱冠補孝敬，既而制舉高第，歷佐濮鄭，並有聲華，入為司刑丞。天授之際，獄吏峻密，公持法無頗，全活者衆。進夏官員外郎，中侍郎，朝廷曰：能，遂掌軍國，遷鳳閣侍郎，兼脩國史，兼相王府長史。始則天人讓王，承置醴之顧，終以飛龍利見，延駟乘之恩，自時厥後，恒當大任。凡三處兵部尚書，三入中書令。一為禮部尚書，孫顯雋以別駕從北齊高祖起晉州，就霸業，戰功居多，終究州刺史，頻之六世孫曰肅，曰君洪，肅仕隋為潁川郡丞，名列循吏，以公直抗，宇文述老卑秩，君洪從唐高祖起晉陽，為右衛將軍，太子建成餘黨攻宮門，君洪首奮挺出戰，沒，頻之八世孫曰暉，曰播，暉相中宗，誅張易之，奪武后天下，歸之唐，用仇人譔，謫死嶠南，獨有史學，官至給事中。君洪之曾孫羽為御史中丞，肅之四世孫祐為御史大夫，括孫晦為太子賓客，晦兄昕為義成節度使，暉為散騎常侍，榮冠當時，自顯雋至晦，皆有傳見於史，其家自平陽或遷太平，或遷蒲版，或遷寶鼎，晦之後，父昆為昭為北都留守判官，始居介休，晤生汾州，參軍棧，棧生館，館生澤州錄事參軍，即公之高祖考也。諱沼，曾祖考諱某，仕後唐，歷晉城、天池、平城三主簿，避晉高祖諱。

更其氏曰文。歷<sub>三</sub>嶧太谷二令。漢高祖即位復舊氏。更名某。漢  
 失天下。其支別者自帝於晉陽。復事之。終嵐州錄事參軍。祖  
 考諱某。辟石州。僕府。棄官歸鄉里。太宗皇帝平晉陽。召之。不  
 起。以廟諱故。復為文氏。考諱某。以儒學進。歷十三官。所至以  
 疆直勤敏。推利。獲害名聞。蓬不可掩。判三司。開拆磨勘司。終  
 主客。即中河。東轉運使。其治行之詳。見於故平章事晏公。參  
 知政事王公。所撰墓誌及碑。公貴朝廷褒榮。三代贈官。皆至  
 太師。中書令。無尚書令。爵燕周魏三國公。廟成澤州府君。為  
 第一室。夫人某氏。配燕公為第二室。燕國太夫人宋氏。配周  
 公為第三室。周國太夫人王氏。越國太夫人郭氏。配魏公。居  
 東室。魏國太夫人耿氏。魯國太夫人申氏。配公。以廟制未備。  
 不敢作主。用晉荀安昌公祠制作神板。采唐周元陽議記。以  
 表三司之墓。銘曰。

源深自虞。派別從吳。避地曾陝。居家洛都。神明遠矣。清冥  
 符翊聖斯。偶生賢不孤。仁將勇濟。孝與忠俱。學刃橫嶺。文鋒  
 迅驅。總安卑位。即騁長途。惟實惟有。若虛若無。再三軍國。一  
 二訏謨。戎柄尤重。王綸最樞。兼司任切。久政榮殊。蕭藻彌煥。  
 丹青靡渝。以寬容物。以鑒分區。外或形放。中恒禮拘。儼雖誠  
 口。諍亦忘軀。但覩渾璞。誰詳瑾瑜。伊皋尺寸。管樂錙銖。名正  
 身遂。言誠顛孚。方辭漢祿。更辱齊組。既積而散。窮歡盡娛。川  
 歸東極。日去西晡。上惻流辰。旁悲路衢。藍田美玉。荔浦明珠。  
 載廣休慶。爰弘典謨。豐碑乃立。盛業其鋪。帝念頻軫。仙毫特  
 紆。鐫金刻石。鳳篆龍圖。七耀光動。三泉澤濡。銓能叙事。理鬱  
 詞敷。永舊銘實。慚殫而蕪。緬思雲霧。尚想江湖。有道之德。其

卷之五十一

何以踰延陵之墓。空此嗚呼。存歿終始。遐哉激乎。

張韓公廟碑

李遐升

唐之元老。有大庇於生人。曰韓公張仁愿。盡力大朝。位尊將相。三城立廟。軍帥乞靈。則祠之天。寶季歲華。奉使朔方。展敬祠下。式瞻風采。像與神合。沉。如生嗚呼。生以功為臣。歿以靈為神。神乎宜奉。公搃戎疆外。懸衡審政。拒隴循河。祿豆萬里。堅城雄防。扞蔽三輔。介冑之士。垂十萬人。瞻我廟。以為進退。先是突厥犯塞。乘勝入朔方。遊騎至安定。官軍不到。絳略失守。虜乃驅監牧之騾牝。退存廬帳。進圍聚邑。嗚呼。羅馬視復漠南。邊人搖心。元聖軫念。節將更至。咸以為請。搢紳獻議。則以和親為便。中宗未之許也。初以公耄老。且重煩之。及卜帥於太宮之庭。唯公之吉。至尊親臨前殿。授以兵符。公承

命徂征。北蕃逆駭。記所謂君子有其時。有其命。公得其二。而伸其一者也。公忠貫神明。慮機造化。鎮以長寐。湏其奸謀。一麾偏師。屠名王。復喪馬。奪整拂雲。維而城之。並阿之河。列築三鎮。將精士銳。談笑就役。匈奴莫敢南視。雷哭而遁。老幼望公。以相震怖。不然。則乘冰轉鬪。無日無之。既而據河山。翫其動靜。納行旅歸之。衽席憑墉而望。匹馬單兵。不匿形影。虜由是械手足。而刳腹心。朝廷無草竊之虞。天下減征役之半矣。詩云。文武吉甫。萬邦為憲。又曰。方并元老。克壯其猷。公之謂也。帳下之廝。尚有存者。曰公號令素嚴。人無違禁。自將吏騎卒。咸有旗表。節不常出。出則賞罰隨之。賞無非功。罰無非罪。上流而下。競心行而事後。謀全功成。由此術也。三城既就。刊木標櫓。記之種落。刻其降年。後皆如之。豈挺生上將之龜策。

也。竒鑿先物之然也。夫鳥獸草木。出其倫輩。猶或利害憑焉。况殊績功勳。終始天地。翼輔先聖。寵綏元元。有茅社之尊。符節之重。後奉者果一勝。遂一謀。庸非明神幽贊之効。雅有吉甫薄伐。至于太原。王命南仲。城彼朔方。傳稱齊桓伐戎。攘狄。以其病燕。滅衛。魏絳和戎。伏合諸侯。從古及今。以為大功。其餘秦恬漢青之倫。煥立垓耳。尚或筮頌。颺之簡冊。貴之况忠。武卓異。履履今昔。而詠歌無之。非古也。竊感趙孟懷隨。武之德。寤寐永嘆。奉銘神官。其文曰。

赫爾韓公。司武有經。受命北伐。渠魁就刑。敢或不順。鼓行風霆。崇岱壓卵。滄波灌螢。沉泉雷動。機發冥。功奮三城。人謠億齡。謀出先後。構危於寧。張天之威。恢廟之靈。北狄頓顙。山戎來庭。萬里寢柝。緣河罷肩。趨拜故祠。德謝惟馨。翔野何有。群山青青。感激遺風。徘徊涕零。吾誰與歸。式薦斯銘。

周苛碑

李元賓

昔天喪不德。未有受命者。而劉項之戰。方若殘毒。軋於生民。御史大夫周苛。世籍于沛。始漢祖起而隨焉。時漢祖以新阨。睢水之圍。而遽保滎陽。楚人四面攻之內。無完備。憂難持久。用將軍紀信計。而漢祖免命。用苛守後事。以禦外敵。敵知其危。併力蕩搖。哀哀遺軍。劓痛如積。雖授之以利兵。束之以堅甲。而莫能起。非愛死也。力不堪也。故城覆於項氏。項氏毅然。鷹隼襲大鼎於宇下。謂苛曰。請封三萬戶為上將軍。之政自不穀而下。及卒。乘皆聽其所為。不從。則烹決無疑焉。公怒甚。色作視。羽而孩之曰。吾聞不善者善人之資。今天將錫漢。故泯天下以亂。救亂者師。是用汝資之。不即倒戈。請命。兵絕。

若傾汝死無日矣。且秦政反道，殲滅六國，天人合怒，噍類不  
留。今汝之業不足侔秦，而罪侈於秦，曾不知天以陰騭興喪，  
與奪而猶與漢爭鋒，且若戰數勝，攻數剋，非君能也。天厚其  
惡，惡厚將崩，何得長哉！頃氏志公之不屈，而恥其跪已，聲如  
乳虎，指左右，梓公於沸鼎，公奮身不顧，蹈鼎而卒，嗚呼！糜軀  
冥於不朽，不朽在乎立節，立節在乎顯主，主顯節立，獨苛有  
之。與夫由余授戈，弘演內肝，殊也。初，苛殺魏豹，可謂無人薄  
我，及拒頃氏，豈非臨難不苟免邪？觀感公之雄果，而史無傳  
記，敢鑿幽石以承闕文，其辭曰：  
龍戰未分，崩雷洩雲，雷奔雲洩，其下流血，滎陽攻急，介士涕  
泣，赤帝徘徊，惟公在也。秉心慷慨，處死不改，沉積寃千古  
矣。言紀公光烈，系史之闕。

溧陽瀨水貞義女碑

李太白

皇唐葉有六聖，再造八極，鏡照萬方，幽明咸熙，天秩有禮，自  
古及今，君臣烈士貞女，采其史傳，名節尤彰，可激清顏，  
俗者皆掃地而祠之，蘭蒸椒漿，歲祀罔缺，而茲邑貞義女，光  
靈鑿然，埋名古遠，琬琰不刻，豈前脩博達者為邦之意乎？貞  
義女者，溧陽黃山里史氏之女也，以家溧陽，史闕書之，歲三  
十不移其志，清英潔白，事母純孝，手柔羹而不龜，身激漂以  
自業，當楚平王時，主虐忠助諛，苛虐厥政，及於尚斬於奢，血  
流于朝，赤族伍氏，怨毒於人，何其深哉！子胥始東奔，勾吳月  
涉星道，或七日不火，傷弓于飛，逼迫於昭，閔匍匐於瀨渚，捨  
車而徒，告窮此女，目色以臆，授之壺漿，全人自沉，形與口滅，  
卓絕千古，聲凌浮雲，激節必報之讐，雪誠無疑之地，難乎哉！

借如曹娥潛波理貫於孝道。聶姊殞肆。槩動於天倫。曾姑棄子以却三軍之衆。漂母進飯。沒受千金之恩。方之於此。彼或異爾。卒使伍君開張。闔閭傾蕩。鄢郢吳師。鞭屍於楚國。申胥泣血於秦庭。我亡爾存。亦各壯志。張英風於古今。雪大憤於天地。微此女之力。雖云為忠孝之士。亦烏能咆哮烜赫。施於後世。耶。望其溺所。愴然低迴。而不能去。每風號吳天。月苦荆水。響象如在。精魂可悲。惜其投金有泉。而刻石無主。哀哉。邑宰策陽鄭公。名晏。家康成之學。世子產之才。琴清心閑。百里大化。有若主簿扶風。寶嘉賓。縣尉廣平。宋涉。丹陽李濟。南郡陳然。清河張昭。皆有卿才。霸略同事。相協。緬紀英淑。勒銘道周。雖陵頽海竭。文或不死。其辭曰。

粲。貞女。孤生寒門。上無所天。下報母恩。春風三十。花落無言。乃如之人。激漂清源。碧流素手。縈彼瀾澗。決思不可。秉節而存。伍脊東奔。乞食於此。女分壺漿。減口而死。聲動列國。義形壯士。入郢鞭屍。還吳雪恥。投金顯汜。報德稱美。明明千秋。如月在水。

微子廟碑

賈幼璘

昔者高宗既歿。殷始錯命。政有數倫。敗紀事有梗。神虐天。迄于獨夫。稼慝乃稔。武庚不化。茅土再血。玄鳥之祀。宜其忽諸。噫。湯之德未衰。故微子復興於宋矣。微子諱啓。實帝乙元子。帝乙惜賢之故。而神器不集於君。君肅恭神人。恪慎克孝。才兼八元之偉。德首三仁之列。始在擇嗣。箕子贊焉。尹茲夏夏。周公嘉焉。歿而不朽。仲尼稱焉。觀其這思盡忠。則行主以竭諫。退將保祀。則全身以逃難。去就生死之塗。沉吟出處之域。



有以見聖德之情也。若乃受為不道，暴殄天物，剖諫輔之心，解忠良之骨，億兆墜於塗炭，宗祧困於旣旣，而君崎嶇險阻，避迹藏時，堯身龍戰之郊，解縛鷹揚之師，卒能脩復舊物，統承先祀，七百餘年，歆我神祇，非明德至仁，其孰能與於此。於戲，國之興亡，不獨天命，向使帝乙捨受而立，啓前箕子而後少師，則文王未可專征于諸侯，武王未可擔師於牧野，雖周公之聖，不過子產善相矣。太公之賢，不過穰苴之法矣。是太王立季歷而昌，帝乙捨微子而亡，成敗繫本，不其昭彰。皇帝三十有一載，子作吏于宋，思其先聖遺事，求於右老，輿人則得君之祠廟，存焉。盛衰紛綸，年祀超忽，喬木老矣，靈儀儼然，祿爨茨墜者，月繼，蘋繁牲幣者，日接，百代之後，而仁風獨揚乎。留連廟庭，乃作頌曰：

天華元命，星符在木，玄天降災，上慘下勳，人怨神怒，川崩鬼哭，赫々周邦，如臨深谷，邊矣微子，逢時顛沛，居亡念存，處否求泰，諫以明節，仁而遠害。語父師，全身而退，龍戰于野，鳥焚其巢，桓桓周王，奄有商郊，面縛就執，牽羊投庖，杞商循器，啓宋分茅，嗟爾宋人，來蘇是依，穆如雨潤，霽若春養，以戴以翼，是宗是長，茫茫舊封，千載餘響，我來祠廟，永挹遺芬，荒階蔓草，古木垂雲，惆悵懷賸，徘徊日曛，鑄石紀德，用流斯文。

後漢徐徵君碣

張子壽

後漢高士徐君諱穉，字孺子，南昌人也。先生受天元休，含道傑出，生知而上，貫之以一體，資清純，動適玄妙，知道之將廢，乃窮則獨善，躬耕取資，非力不食，鄰落所處，率化無訟，在漢之季，遭時溷濁，不抗跡以庇物，故退非山林，不苟利以辱身。

故進無祿位。五辟宰府。四察孝廉。又舉有道。就拜太原太守。皆辭疾不起。延嘉二年。尚書令汝南陳蕃。僕射南郡胡廣。相與上疏。極言先生宜為輔弼。協和人神。漢桓帝猶能安車玄纁。備禮致聘。而竟不屈志。知時之不可支也。然而諸公嘉招雖不之屑就。及聞薨。卒徒步弔祭。禮有所尚。隻鷄不薄。意有所加。生藟為貴。士之感義。實衰世之有補人。而見德。俾後生之可尋其廢中權。行中慮。皆此類也。昔者夷齊介絜而遠去。沮溺野逸而難群。顏闔鑿垤以遁逃。接輿狂歌而詭激。此誠作者。或類沽名。夫有所不為。至則偏也。無適不可用之極也。先生則貶絕在心。而經脩於世。純儉以存戒。博愛以體仁。應物以會通。全己以歸正。漢廷所以宗其德。天下所以服其行。豈與彼教子直道而已。於靈帝初。徵補輪聘。烏會先生以疾終時年七十有二。子曰季。祭篤行孝悌。亦高尚不仕。皇唐開元十五年。予忝牧茲邦。風流是仰。在懸榻之後。想見其人。有表墓之儀。豈孤此地。則先生德。其可沒乎。乃銘曰。靈芝無根。醴泉無源。角立傑出。先生斯存。英英先生。德不可名。麟出無應。鴻飛入冥。道高事遠。跡陳名劭。勒石舊邦。以觀其妙。

殷太師比干碑

李翰

太宗文皇帝既一海內。明君臣之意。貞觀十九年。東征島夷。師次殷墟。乃下詔。追贈殷少師比干為太師。謚曰忠烈公。遣大臣持節弔贈。申命郡縣封墓。首祠置守塚五家。以少牢時享。著于甲令。刻于金石。故比干之忠益彰。臣子得以述其志也。昔商王受毒痛于四海。德悖于三正。肆厥淫虐。下罔敢諫。

於是微子去之箕子囚之而公獨死之非捐生之難處死之難  
得死之難故不可死而死之是輕其生非孝也得其死而不死  
是重其死非忠也王之叔父親莫至焉國之元臣位莫崇焉崇  
高不可以觀其危親昵不可以忘其祖則我成湯之業將墜於  
泉商王之命將絕於天整扶其顛遂諫而死剖心非痛殷亡  
是痛公之忠烈也其若是乎故能獨立危邦橫抗興運周武  
以三分之業有諸侯之師資十亂之謀搃一心之衆當公之  
存也則戢彼西土及公之喪也乃觀于盟津公存而殷存公  
喪而殷喪興亡所繫豈不重歟且聖人立教懲惡勸善而已  
矣人倫大統父子君臣而已矣太師存則正其統歿則垂其  
教奮乎千古之上行乎百王之末俾夫淫者懼佞者慚庸者思  
忠者勸其為式也不亦大哉而夫子稱殷有三仁豈無徵焉  
嘗敢臆之曰存其身存其祀亦仁也亡其身存其國亦仁也  
若進死者退生者往猶之士將奔焉褒生者貶死者宴安  
之人將寘力焉故司歸諸仁各順其志殊途而一揆異行而  
齊致俾後之人優柔而自得焉蓋春秋微婉之義也必將建  
皇極叙彛倫弘在三之規垂不二之訓以昭於世則夫人臣  
者既移孝於親而致之於君焉有聞親失而不爭親危而  
不救從容安地而稱得禮甚不然矣夫孝於其親者人之親  
皆願其為子忠於其君者人之君皆欲其為臣故歷代帝王  
莫不推顯周武下車而封其墓魏氏南遷而創其祠我大  
宗有天下禋百神而盛其禮追贈太師謚曰忠烈申命郡縣  
封墓置祠置守塚五家以少牢時享著于甲令刻于金石於  
戲哀傷列辟主食舊封德為神明秩視群望身滅而名益大

世絕而祀愈長。然後知忠烈之道。其感激天人。深矣。天寶十祀。余尉于衛。拜于祠堂。魄感精動。而廟在隣邑。官非越閭。刊石銘美。以志丕烈。詞曰。  
縻軀非仁。蹈難非智。死于其死。然後為義。忠無二體。烈有餘氣。正直聰明。至今猶視。咨爾來代。為臣不易。

高愍女碑

李習之

愍女姓高。妹名也。生七歲。當建中二年。父彥昭以濮陽歸天子。前此者有質妹妹與其母兄者。使彥昭守濮陽。及彥昭以城歸。妹妹與其母兄皆死。其母李氏也將死。憐妹妹之幼無辜。請獨免其死。而以為婢。眾皆許之。妹妹不欲。曰。生而受辱。不如死。母兄皆不免。何獨生為其母。與兄將被刑。咸拜於四方。妹妹獨曰。我家為忠。宗族誅夷。四方神祇尚何知。問其父所在之方。西嚮哭再拜。遂就死。明年太常謚之曰愍。當此之時。天下之為父母者。莫不欲愍女之為子也。天下之為夫者。莫不欲愍女之為室家也。天下之為女與妻者。聞之莫不欲愍女之行在其身也。昔者曹娥思肝。自沉於江。獄吏嗔囚。章女悲號。思唁其兄。作詩載馳。緹縈上書。迺除肉刑。彼囚女者。或孝。或智。或義。或仁。噫。此愍女厥生七年。天生其知。囚女不備。向遂推而布之於天下。其誰不從而化焉。雖有逆子。必改行。雖有悍妻。必易心。賞一女而天下勸。亦王化之大端也。異哉。愍女之行。而不家聞戶知也。貞元十三年。翱在汴州。彥昭時為潁川刺史。昌黎韓愈始為余言。余既悲而嘉之。於是作高愍女碑。

唐西川節度副大使中書令南康郡王韋公先廟碑

權載之

萬物本乎天。人本乎祖。乃立宗廟以安神明。德厚流光。追養繼孝。順而下之曰義。等而上之曰仁。國家稽合禮文。損益前載。崇功貴仕。得祠四室於王制。酌諸侯二昭二穆之義。於祭統。見君子盡志盡物之誠。惟太尉中書令南康郡王懿。文經武。保合昌運。左右德宗。格于皇天。始恢隴坻之旅。終化岷峨之俗。貴為上公。位極元台。克肆忠力。乃圖孝享。作新廟于京師。大安里。古者揚其功烈。銘于祭器。近古以曾鍾衛鼎。追琢先德。不若鏤文字於麗牲之碑。之為詳也。乃謹而書之。云公姓韋氏。京兆杜陵人。自扶陽重侯。用經明至宰相。後裔蕃昌。德與位偕。積十六葉。至六代祖軌。字元禮。以字行於代。仕周為車騎大將軍。入隋為汴州刺史。啓土郡城。易名曰莊。實生孝恪。雅有文憲。武德初。由侍御史為洛州別駕。生司農府君諱機。為第一室。端誠正志。休有厥聲。專對出疆。艱貞復命。著西征記以獻。太宗嘉之。剖符澶州。脩起儒術。三典卿曹。陟降屯夷。操持貴倖。不避強禦。繕理宮室。得其時制。史氏書之。為唐名臣。以夫人隴西郡君辛氏配。司農生坊州府君諱餘慶。為第二室。清和脩潔。履道不回。歷右驍衛兵曹參軍。以至二千石。以夫人武功蘇氏配。坊州生贈太子少保府君諱嶽。為第三室。方嚴貞幹。政事脩明。在武后時。以直忤旨。由太原令移佐睢陽。出入四紀。績宣中外。歷殿中監。剖符八州。廬海潮。魏眉徐衛陝。所至之邦。有威有懷。凡再追命。以夫人扶風郡夫人竇氏配。少保生贈太子太師府君諱貴。為第四室。盛德循行。含章自牧。歷藍田尉。泚聲流聞。上纂崇厚。下貽風訓。凡

三追命以夫人涼國太夫人段氏配噫嘻自扶陽至郿城積  
丕烈於前史自考廟至顯考廟流熾昌於後葉列於禘嘗儲  
厥義方故南康郡王苞五常貞四教秉靈傑出合道中立初  
誓偏師建奇功扞大患立大節以儒衣法冠授律鑿門佩亞  
相之印綬脩元侯之節制就如宗工入掌金吾撫征全蜀命  
賜備厚由地官轉天官參總端右平章宰政進中書令加司  
徒太尉鉞鉞拒盜旂鑿瑀戈有嚴有翼乃蔚乃赫忠厚博大  
以阜俗信廉仁勇以成師南蠻納印西羌解辮象胥譯戎捷  
樂府陳夷歌守正持重推誠畢力開地通道者九千餘里生  
聚教訓者二十一年天文紀功刻在金石暨德宗棄天下太  
上居諒闇危言急病體國忘身毅然君子之道卓爾大臣之  
節永貞元年秋七月考終命于理所策贈太師有司奏謚曰

忠貞公諱承吉顯而元元子司業承吉其常事  
孝友而才稱於士林公之仲兄曰景屯田員外郎贈鄧州  
刺史林氏曰肇太子左庶子兼御史大夫贈左散騎常侍咸  
以器望而延褒賜公之夫人贈魏國夫人張氏其祖橘與外王  
父皆秉國鈞為天下華腴嗣子工部員外郎行立銜恤無怙  
齊喪中禮大凡四廟之支旁尊群從焯赫以駭不可勝書至  
若質明光近沐浴盛服虛中以理嘉薦匪懈而無違心太禧  
沉齋馨香條鬯既思其志意若聞乎容聲河平屬平有  
以見舉十倫而備百順昔素王之以戰則克祭則受福其斯  
之謂乎司業悼予足之凋落感春秋以悽愴永懷明發俾蒙  
斯文銘曰

新廟有血。靜身奕奕。孝孫匪懈。玄衣赤舄。洪伐章。乃侯乃王。漢稱扶陽。唐有南康。二十三葉。沛然蕃昌。四室崇。斯焉享。嘗烈烈。南康温良。能斷謀猷。尊俎文武。楨幹沂岐。之西。侵沴銷散。并絡之下。天文昭煥。撫封全歸。冥冥德輝。幸備孝享。家法無違。以昭以穆。以嗣以續。和氣婉容。茲分烹熟。子孫小大。罔不肅神之聽之。報以介福。

三受降城碑

呂和炳

夏后氏道洪水。龍蛇能禦大畜。以活黔首。周文王城朝。逐狡狴。能捍大患。以安中區。若非高岸峻防。重門擊柝。雖有盛德。曷觀成功。然則持璽璣而弛張。萬象昊穹之妙用。扼勝勢以擒維。八極王者之宏圖。道雖無外。權則有備。變化消息。存乎其人。三受降城。望唐之勝勢者也。昔秦不量力。北築

城。右扼臨洮。左馳碣石。生人盡去。不足乘障。兩漢之後。頽為荒丘。退居河滸。歷代莫進。矯亡秦之弊。則可矣。盡中國之利。則未然。唐興。因循未暇。經啓有拂。雲祠者在河之北。地形雄坦。控扼樞會。虜伏其下。以窺域中。禱神觀兵。然後入寇。甲不及擐。突如其來。鯨一躍而吞舟。虎數步而擇肉。塞草落而邊阨。懼河冰堅而羽檄走。爰自受命。至于中興。國無寧歲。景龍二年。默啜強暴。瀆鄰構怨。掃境西伐。漢南空虛。朔方大惣。管韓國公張仁愿。躡機而謀。請築三城。奪據其地。跨大河。以北。嚮制胡馬之南牧。中宗詔許。橫議不撓。於是留及瓜之戍。斬奸命之卒。六旬雷動。三城岳立。以拂雲祠為中城。東西相去各四百里。溫朝那而北。關斤侯迭望。幾二千所。損費億計。減兵萬人。分形以據。同力而守。東極于海。西窮于天。納陰山於寸

時拳大漠於一掌驚塵飛而烽火耀孤鴈起而刁斗鳴涉河而南門用晏閉韓公猶以為未也方將建大旆提金鼓馳神策鞠虎旅看旄頭明滅與太白進退小則貢琛賚受厥南定保塞一隅之安大則倒狼居竭瀚海空苦塞萬里之野大畧方運元勳不集天其未使我唐無北顧之憂乎厥後賢愚迭任工拙異勢剛者黷武柔者敗律城隳險固寇得凌軼或駭馬飲河而去或控弦割壘而旋吾知韓公不瞑目於地下矣今天子誕敷文德茂育群生戢兵和親北狄右衽然而軍志有受節如敵大易有安不忘危崇墉言言其可弛柝亦宜鎮以元老授之廟勝俾述舊職而恢遺功外勒撫綏內謹經略使其來不敢侮云不敢反願永無生禍心偕威馴恩

不昧銘曰

韓侯受命志在朔易北方之強制以全策直漢橫塞揭茲雄壁如三闕龍躍出大澤並分襟帶各閉風雷俯祖陰山仰看昭回一夫登陴萬里洞開日晏秋盡纖塵不來時惟韓侯方運神妙觀釁則動乃誅乃吊廓乎窮荒盡日所照天乎未替不策清廟我聖耀德蘇高北門優而柔之用息元元曷若兒守推亡固存于襄于夷永裕後昆

平淮西碑

韓退之

天以唐克肖其德聖子神孫繼承於千萬年敬戒不怠全付所覆四海九州罔有內外悉主悉臣高祖太宗既除既治高宗中睿休養生息至于玄宗受報收功極熾而豐物衆地大藥牙其間肅宗代宗德祖順考以勤以容大慝適去稂



秀已薨相臣將臣文恬武嬉習熟見聞以為當然睿聖文武  
皇帝既受群臣朝乃考圖數貢曰嗚呼天既全付予有家今  
傳次在予予不能事其何以見于郊廟群臣震懼奔走率  
職明年平夏又明年平蜀又明年平江東又明年平澤路遂  
定致魏博貝衛瀘相無不從志皇帝曰不可究武予其  
少息九年蔡將死蔡人立其子元濟以請不許遂燒舞陽犯  
葉襄等城以動東都放兵四劫皇帝歷問于朝一二外臣皆  
曰蔡帥之不廷授于今五十年傳三姓四將其樹木堅兵利  
卒頑不與他等因撫而有順且無事大官臆決唱聲萬口和  
附并為一談牢不可破皇帝曰惟天惟祖宗所以付任予者  
庶其在此予何敢不力况一二臣同不為無助曰光顏汝  
陳許帥維是河東魏博鄆陽三軍之任行者汝皆將也

汝汝故有河陽懷今益以汝維是朔方益用汝  
七軍之在行者汝皆將之曰弘汝以卒萬二千屬而子  
往討之曰文通汝守壽維是宣武淮南宣歙浙西四軍之  
子壽者汝皆將之曰道古汝其觀察鄆岳曰愬汝帥唐鄧隨  
各以其兵進戰曰度汝長御史其往視師曰度惟汝予同汝  
遂相予以賞罰用命不用命曰弘汝其以節度都統討軍曰  
守謙汝出入左右汝惟近臣其往撫師曰度汝其往衣服飲  
食予士無寒無飢以既厥事遂生蔡人賜汝節斧通天御帶  
衛卒三百凡茲廷臣汝澤自後惟其賢能無憚大吏唐申予  
其臨門送汝曰御史予閔士大夫戰甚苦自今以往非郊廟  
祠祀其無用樂顏胤武合攻其北大戰十六得柵城縣二十  
三降人卒四萬道古攻其東南八戰降卒萬二千再入申破

其外城文通戰其東十餘遇降萬二千愬入其西得賊將輒  
釋不殺用其策戰比有功十二年八月丞相度至師都統弘  
責戰益急顏胤武合戰益用命元濟盡并其衆洄曲以備十  
月壬申愬用所得賊將自文城因天大雪疾馳百二十里用  
夜半到蔡破其門取元濟以獻盡得其屬人卒辛巳丞相度  
入蔡以皇帝命赦其人淮西平太饗齊功師還之日因以其  
食賜蔡人凡蔡卒三萬五千其不樂為兵願歸為農者十九  
悉縱之斬元濟於京師冊功弘加侍中愬為右僕射帥山南  
東道顏胤皆加司空公武以散騎常侍帥鄜坊丹延道古進  
大夫文通加散騎常侍丞相度朝京師進封晉國公進階金  
紫光祿大夫以舊官相而以其副愬為工部尚書領蔡任既  
竟大群臣請紀聖功被之金石皇帝以命臣愈臣愈再拜稽

首而獻文曰。

唐承天命遂臣萬方孰居近土襲盜以狂任在玄宗崇極而  
圯河北悍驕河南附起四聖不宥屢興師征有不能克益成  
以兵夫耕不食婦織不裳輸之以車為卒賜糧外多失朝曠  
不岳狩百隸怠官事亡其舊帝時繼位顧瞻咨嗟惟汝文武  
孰恤予家既斬吳蜀旋取山東魏將首義六州降後惟蔡不  
順自以為強提兵叫讐欲事故常始命討之遂連奸鄰陰遣  
刺客來賊相臣方戰未利內驚京師群公上言莫若惠來帝  
為不聞與神為謀乃相同德以訖天誅乃勅顏胤愬武古通  
咸統於弘各奏汝功三方分攻五萬其師大軍此乘厥數倍  
之常兵洄曲軍士蠢蠢既翦凌雲蔡卒大窘勝之邵陵郾城  
來降自夏及秋稷屯相望聲兵頓不勵告功不時帝哀征夫

卷之五十五 十一

命相往釐士飽而歌馬騰於槽試之新城賊遇敗逃盡抽其  
有聚以防我西師躍入道無留者頌蔡城其疆千里既入  
而有莫不順俟帝有恩言相度來宣誅止其魁釋其下人蔡  
之卒夫投甲呼舞祭之婦女迎門笑語蔡人告飢船粟往哺  
蔡人告寒賜以繒布始時蔡人禁不往來今相後越里門夜  
開始時蔡人進戰退戮今肝而起左餐右粥為之擇人以取  
餘德選吏賜牛教而不稅蔡人有言始迷不知今乃大覺羞  
前之為蔡人有言天子明聖不順族誅順保性命汝不吾信  
視此蔡方孰為不順往斧其吭凡叛有數聲勢相倚吾強不  
支汝弱奚恃其告而長而父而兄奔走偕來同我太平淮蔡  
為亂天子伐之既伐而飢天子活之始議伐蔡卿士莫隨既  
伐四年小大並宜不赦不疑由天子明凡此蔡功惟斷乃成  
既定淮蔡四夷畢來遂開明堂坐以治之

南海神廟碑

海於天地間為物最鉅自三代聖王莫不祀事考於傳記而  
南海神次最貴在北東西三神河伯之上號為祝融天寶中  
天子以為古爵莫貴於公侯故海嶽之祀犧幣之數倣而依  
之所以致崇極於大神今王亦爵也而禮海嶽尚循公侯之  
事虛王儀而不用非致崇極之意也由是冊尊南海神為廣  
利王祝號祭式與次俱升因其故廟易而新之在今廣州治  
之東南海道八十里扶胥之口黃木之灣常以立夏氣至命  
廣州刺史行事祠下事訖驛聞而刺史常節度五嶺諸軍仍  
觀察其郡邑於南方事無所不統地大以遠故常選用重人  
既貴而富且不習海事又當祀待海常多大風將往皆憂憾

既往觀顧怖悸故常以疾為辭而為事於其副其來已久故  
明宮齋廬上雨旁風無所蓋障牲酒瘠酸取具臨時水陸之  
品狼藉籩豆薦裸興俯不中儀式吏滋不恭神不顧享盲風  
恠雨發作無節人蒙其害元和十二年始詔用前尚書右丞  
國子祭酒魯國孔公為廣州刺史無御史大夫以殿南服公  
正直方嚴中心樂易祇慎所職治人以明事神以誠內外單  
盡不為表襮至州之明年將夏祝冊自京師至吏以時告公  
乃齋被視冊擔群有司曰冊有皇帝名乃上所自曙其文曰  
嗣天子某謹遣某官某敬祭其恭且嚴如是敢有不承明日  
吾將宿廟下以供晨事明日吏以風雨白不聽於是州府文  
武吏士凡百數交誦更諫皆揖而退公遂陞舟風雨少弛權  
天奏功雲陰解駁日光穿漏波伏不興省牲之夕載賜載  
將事之夜天地開除月星明概五鼓既作牽牛正中公乃盛  
服執笏以入即事文武賓屬俯首聽位各執其職牲肥酒香  
尊爵淨潔降登有數神具醉飽海之百靈秘怪慌惚畢出  
地來享飲食闔廟旋鱸祥飈送颿旗燾旋麾飛揚踴藹鏡鼓  
朝轟高管喙譟武夫奮棹工師唱和穹龜長魚踊躍後元乾  
端坤倪軒豁呈露祀之之歲風災熄滅人厭魚蟹五穀胥熟  
明年祀歸又廣廟宮而大之治其庭壇改作東西兩序齋庖  
之房百用具脩明年其時公又固往不懈益虔歲仍太和羣  
文歌咏始公之至盡除它名之稅罷衣食於官之可去者四  
方之使不以資交以身為帥燕享有時賞與以節公歲私蓄  
上下與足於是免屬州負逋之緡錢十有四萬米一萬二千  
斛賦金之州耗金一歲八百困不能償皆以丐之加西南守

長之俸。誅其尤無良不聽令者。由是皆自重慎法。人士之落南不能歸者。與流徙之胄百二十八族。用其才良。而廩其無告者。其女子可嫁者。與之錢財。令無失所。刑德並流。方地數千里。不識盜賊。山行海宿。不擇處所。事神治人。可謂備至矣。咸頌刻廟石。以著厥美。而繫以詩。乃作詩曰。南海之墟。祝融之宅。即祀于旁。帝命南伯。吏情不躬。自今公明。用享錫祐。我家邦。惟明天子。惟慎厥使。我公在官。神人致喜。海嶺之陬。既足既濡。胡不均弘。俾執事樞。公行匆遲。公無遽歸。匪我私公。神人具依。

柳州羅池廟碑

羅池廟者。故刺史柳侯廟也。柳侯為州。不鄙夷其民。動以禮法。三年。民各自矜奮。曰。茲土雖遠京師。吾等亦天氓。今不幸惠仁侯。若不化服。我則非人。於是老少相教。語莫違。侯令。凡有所為。於其鄉閭。及於其家。皆曰。吾侯聞之。得無不可。於意否。莫不忖度。而後從事。凡令之期。民勸趨之。無有後先。必以其時。於是民業有經。公無負租。派逋四歸。樂生興事。宅有新屋。步有新船。池園潔脩。猪羊鴨鷄。肥大蕃息。子嚴父詔。婦順夫指。嫁娶葬送。各有條法。出相弟長。入相慈孝。先時民貧。以男女相質。久不得贖。盡沒為隸。我侯之至。案國之故。以傭除本。悉奪歸之。大脩孔子廟。城郭巷道。皆治使端正。樹以名木。柳民既皆悅喜。嘗與其部將魏忠。謝寧。歐陽翼。飲酒驛亭。謂曰。吾弃於時。而寄於此。與若等好也。明年吾將死。死而為神。後三年為廟祀我。及期而死。三年孟秋辛卯。侯降于州之。後堂。歐陽翼等見而拜之。其夕夢翼而告曰。館我於羅池。其月

景辰廟成大祭。過客李儀醉酒侮慢堂上。得疾扶出廟門。即死。明年春。魏忠歐陽翼使謝寧來京師。取書其事于右。余謂柳侯生能澤其民。死能驚動禍福之。以食其土。可謂靈也已。作迎享送神詩。遺柳民。俾歌以祀焉。而并刻之。柳侯河東人。諱宗元。字子厚。賢而有文章。嘗位於朝。光顯矣。已而擯不用。其辭曰。

荔子丹兮獲黃。雜肴蔬兮進侯堂。侯之船兮兩旗。度中流兮風泊之。待侯不來兮。不知我悲。侯乘駒兮入廟。慰我民兮不頻以笑。鷺之山兮柳之水。桂樹團兮白石齒。侯朝出遊兮。莫來歸。春與猿吟兮。秋鶴與飛。北方之人兮。為侯是非。千秋萬歲兮。侯無我遠。福我兮。壽我。驅厲鬼兮。山之左。下無苦濕兮。高無乾。杭徐充羨兮。蛇蛟結蟠。我民報事兮。無怠其始。自今兮。欽于世。

柳州先聖文宣王廟碑

柳子厚

仲尼之道與王化遠近。惟柳州古為南夷。推髻卉裳。攻劫鬪暴。雖唐虞之仁不能柔。秦漢之勇不能威。至于有國。始循法度。置吏奉貢。咸若采衛。冠帶憲令。進用文事。學者道堯舜孔子。如取諸左右。執經書。引仁義。旋辟唯諾。中州之士。時或病焉。然後知唐之德大。以遐。孔氏之道尊。而明。元和十年八月。州之廟屋壞。幾毀神位。刺史柳宗元始至。大懼不任。以墜教基。丁未。奠薦法。齊時事。禮不克施。乃合初。並終。獻三官。衣布泊于羸財。取土木金石。徵工儻功。完舊益新。十月乙丑。王宮正室成。乃安神棲。乃正法庭。祗會群吏。卜日之吉。虔告于王靈。曰。昔者夫子嘗欲居九夷。其時門人猶惑聖言。今夫子代千

有餘載其教始行。至于是邦。人去其陋而本於儒。孝父忠君。言及禮義。又况巍然炳然。臨而炙之乎。惟夫子以神道設教。我今罔敢知。欽若茲教。以寧其神。追思告誨。如在于前。苟神之在。曷敢不虔。居而無陋。罔貳昔言。申陳嚴祀。永永是尊。麗牲有碑。刻在廟門。

箕子碑

凡大人之道有三。一曰正蒙難。二曰法授聖。三曰化及民。殷有仁人曰箕子。實具茲道。以立于世。故孔子述六經之旨。尤殷勤焉。當紂之時。大道悖亂。天威之動。不能戒聖人之言。無所用。進死以併命。誠仁矣。無益吾祀。故不為委身以存祀。誠仁矣。與亡吾國。故不忍具是二道。有行之者矣。是用保其明。摅與之俯仰。曷是謨範。辱於囚奴。昏而無邪。隕而不息。故在

易曰。箕子之明夷。正蒙難也。及天命既改。生人以正。乃出大法。用為聖師。周人得以序彝倫而立大典。故在書曰。以箕子歸作洪範。法授聖也。及封朝鮮。推道訓俗。惟德無陋。惟人無遠。用廣殷祀。俾夷為華。化及民也。率是大道。藜於厥躬。天地變化。我得其正。其大人歟。於虜當其周時。未至殷祀。未殄。比于已死。微子已去。向使紂惡未稔。而自斃。武庚念亂。以圖存國。無其人。誰與興理。是固人事之或然者也。然則先生隱忍而為此。其有志於斯乎。唐某年。作廟汲郡。歲時致祀。嘉先生獨列於易象。作是頌云。

蒙難以正。授聖以謨。宗祀用繁。夷民其蘇。靈憲大人。顯晦不渝。聖人之仁。道合隆汙。明摅在躬。不陋為奴。冲讓居禮。不盈稱孤。高而無危。卑不可踰。非死非去。有懷故都。時詘而伸。卒

為世模。易象是列。文王為徒。大明宣昭。崇祀式孚。古闕頌辭。繼在後儒。

許由先生廟頌

揚植

堯之聰明。猶先生成。堯之至理。猶先生始。堯不以天下讓先生。先生之道。猶昏先生。不以清節避唐。堯唐堯之道。何尊。是知天地間。堯而許之日。而月之生人。已來。避讓之大。未有如先生者也。若非錙銖九有。亢極一夫。安能以巖澤枯槁之姿。下聖文神武之德。則知丹朱得堯之體。而遺堯之性。先生得堯之性。而遺堯之名。是得之者。守之不足。遺之者。宰之有餘。天用先生。執糠帝王。牢籠六合。欲先生躬戴清規。首出萬古。僭賊為臣之道。拜先生廟者。得戒之於。使湯之智。讀先生書。夏祀不夷也。使發之聖。得先生夢。商廟不墟也。然湯武聖人之用也。先生聖人之繫也。於亂則吾用於治。則吾繫。二者聖人經時之大柄。使湯武逢堯舜。是必韜用而光繫矣。先生逢桀紂。是必捨潔而超用矣。則聖道變化。豈有殊耶。故喜為雲霞怒為雷雨。先生神也。生為春夏。殺為秋冬。先生功也。結為山嶽。融為川瀆。先生壽也。星羅月帳。巖壑靜先生宅也。聖人無為。金玉在璞。先生富也。功而不宰。人文化成。先生道也。休光烈儀。仰道垂師。先生文也。天機自繫。雖死不棄。先生武也。噫。先生所謂稟天之德。合地之式。居天地中。立帝王則。意。先生所謂往矣。誰能宗。見寥廓。但箕頰之上。惟餘清風。噫。先生所謂為聖人之大標。天地之外。揖堯謝舜。疇為吾輩。我來獨尋。清禱意深。再拜刻石。取文于心。

漢高士嚴君鉞臺碑

梁肅



先生諱光字子陵會稽餘姚人也名聞于漢光武之世東觀  
書實載其事當哀平之後天地既閉先生韜其光隱而不見  
建武反正雲雷既定先生全其道而不屈消息治亂之際卷  
舒夷曠之域如雲出於山游於天復歸於無間不可得而累  
也則激清風聳高節以遺後世先生之道可見於是矣或曰  
人倫大統莫大乎君臣崇德致用莫盛乎富貴而子陵以賤  
為貴以臣傲君二者其失於教歟君子曰不然夫賢格之道  
一動一靜動而用者功濟乎當世靜而不用者化光於無窮  
故許由於堯先生於漢皆不易乎世游方之外俾後之人聞  
清風而嚮慕焉蓋運有會事有行伊呂遇湯武而立大功子  
陵遇世祖而立大名去就不同同歸乎道焉歲在大梁予涉  
江自富春而南訪先生遺廬則釣臺尚存仰聆德風刻頌于  
石其文曰

和州刺史張擇神道碑

白居易

張之為著姓尚矣自漢太傅良侍中肱晉司空華丞相嘉以  
降勛賢軒冕歷代不乏肱避地渡江始居於吳故其子孫稱  
吳郡人嘉以孝悌聞于郡故其所居號孝張里嘉之曾孫裕  
在宋為司徒即公五代祖也司徒之孫儔在隋為吳郡都督  
即公曾王父也台州臨海令韓鷄即公之大父也袁州司馬

文獻通考卷五百五十二

諱孝績。即公皇考也。或以人物著。或以婚閥稱。迄今番江南右族。公諱擇。字無擇。未冠。丁袁州府君憂。庐于墓。晝號而夜泣者三年。有靈芝醴泉出焉。既冠。好學。能屬文。從鄉賦。登明經第。既第。應制舉。中精通經史科。補弘文館校書郎。調左金吾錄事。換杭州錄事參軍。在杭州前後。詰偽制。補吏者三十人。假年侍老者二十人。舉而正之人。伏其明會。劉絳求來為刺史。舉課上聞。詔授絳州錄事參軍。絳之郡丞。有才婚者。怙寵侮法。豪奪人利。公數其罪。露章奏之。章下。丞相姚元崇竒之。致書褒美。尋改太原府功曹參軍。給事中張眾為江淮安撫使。表公正直。奏署部從事。吏部尚書陸象先為河東按察使。狀公清白。奏授懷州獲嘉。以不如柔。不吐剛。得罪。絳是左遷鄂州司馬。移深州司馬。轉號州長史。時上方思理。詔求二千石之良者。時宰以公塞詔。擢拜和州刺史。公之在郡。奉詔條。卹人隱而已。不知其他。無何。水潦害農。公請蠲穀籍之損者。什七八。時李知柔為本道採訪使。素不快公之剛直。密疏誣奏。以附下為名。遂貶蘇州別駕。老幼攀泣而遮道者數百人。信宿方得去。移曹州別駕。歲餘。謝病歸老于家。天寶十三年。正月二十一日。終于東都利仁里私第。其年二月十二日。葬于河南府伊闕縣中李原。享年八十三。噫。公生天地間。八十有三年。可謂壽矣。其間當明皇馭天下。四十有五年。可謂時矣。有其才。得其壽。逢其時。然職不過陪臣。秩僅至郡守。凡所貯畜。鬱而不舒。嗚呼。其命也夫。公之文學。常為賀知章。賈彥璿許之。公之諒直。常為李邕。張庭珪稱之。公之政事。又為劉姚。張陸推之。夫以八君子之力。援之而不足。以一知

柔之力。排之而有餘。既窮不振。以至沒齒。嗚呼。其命也夫。古人云。道不虛行。又云。其後必有達者。故公之子大理評事。誠以節行聞于時。公之孫戶部侍郎平林。以才位光于國。報施之道。信昭矣。不在其身。則在于孫。相去幾何。或長慶二年。某月某日。平林奉祖德。揭而碑之。居易據家狀序而銘之。其詞云。

有木有木。碩大而長。破為楠杙。不作棟梁。有驥有驥。規行矩步。辱在短轆。不駕大輅。嗚呼。噫嘻。公亦如之。將時不我遇。而我不遇。時勿謂已矣。天錫多祉。既賢其子。以濟其美。又才其孫。以大其門。苟無先德。孰啓後昆。

平淮碑

韓雲卿

惟唐上元辛丑歲。叛臣劉展竊地。弄兵悖撓。天常肆虐。黎人

淮泗而南。施于閩越。人殘令絕。職貢不脩。先皇帝命我特進試鴻臚卿兼御史中丞田神功。統盧龍勁卒。控弦引鏑。萬有餘騎。涉淮浮江。梟懸逆布。宣德澤。返旆河南。吳楚之人。父子相勸。戚屬相賀。土壤耕闢。年穀豐登。舳艫若飛。歲月相屬。朝廷甄收。顯寵荐及。出領方面。入秉端揆。已下許錫。主分社。有土為王。遠近耆耆。農桑工賈。飲惠懷德。皆願銘石。江許播垂休烈。其辭曰。

昔在上元。中夏猶虞。奸兇矯攘。鯨毒楚吳。帝命信都。偏師萬人。鐵騎騰凌。風行雲奔。頓旗偃節。敦諭威德。兇慝不悛。搖蠱恃毒。桓信都奮髯提戈。援梓軍門。氣凌山河。地祇號風。江靈鼓波。上殞髦頭。下除巴蛇。通地之經。導天之和。人胥已安。積十餘年。田野豐穰。轉曹如川。伊昔有周。召虎方叔。降及羸

秦翦起繼躅履險成功孰與為足天子是咨南人是懷享國  
冥都銘功海門陵谷可遷碩德長存

左拾遺翰林學士李白新墓碑 范傳正

騏驥筋力成意在萬里外歷塊一蹶斃於空谷唯餘駮骨價  
重千金大鵬羽翼張勢欲摩宮昊天風不來海波不起塌翅  
別島空由大名入亦有之故左拾遺翰林學士李公之謂矣  
公名白字太白其先隴西咸紀人絕嗣之家難求譜謀公之  
孫女搜於箱篋中得公之亡子伯禽手跡十數行紙壞字缺  
不能詳備約而計之涼武昭王九代孫也隋末多難一房被  
竄于碎葉流離散落隱易姓名故自國朝已來編於屬籍神  
龍初潛還廣漢因僑為郡人父客以通其邑遂以客為名高  
卧雲林不求祿仕公之生也先府君指天枝以復姓先夫人

夢長庚而告祥名之與字感所取象受五行之剛氣於夜心

高挺三蜀之雄才相如文逸 瓌奇宏廓拔俗無類少以

俠自任而門多長者車常欲一鳴驚人一飛冲天彼漸陸遷

喬皆不能也由是慷慨自負不拘常調器度弘大聲聞于天

天寶初召見於金鑾殿玄宗明皇帝降輦步迎如見園綺論

當世務草答蕃書辯如懸河筆不停綴玄宗嘉之以寶床方

丈賜食於前御手和羹德音褒美褐衣恩遇前無比儔遂直

翰林專掌密命將處司言之任多陪侍從之游他日泛白蓮

池公不在宴皇歡既洽召公作序時公已被酒於翰苑中仍

命高將軍扶以登舟優寵如是既而上疏請還舊山玄宗甚

愛其才或慮乘醉出入省中不能不言温室樹恐撥後患惜

而遂之公以為千鈞之弩一發不中則當摧撞折牙而永息

機用安能劬碌者蘇而復上哉脫屣軒冕釋羈韁鑠因肆  
情性大放宇宙間飲酒滌嗜其酣樂取其昏以富作詩事  
於文律取其吟以適好神仙非慕其輕舉將不可求之事求  
之欲耗壯心遣餘年也在長安時秘書監賀知章號公為謫  
仙人吟公烏栖曲云此詩可以哭鬼神矣時人又以公及賀  
監汝陽王崔宗之裴周南等八人為酒中八仙朝列賦謫仙  
歌百餘首俄屬戎馬生郊遠身海上往來於斗牛之分優游  
沒身偶乘扁舟一日千里或遇勝境終年不移時長江遠山  
一泉一石無往而不自得也晚歲渡牛渚磯至姑熟悅謝家  
青山有終焉之志盤桓利屋竟卒於此其生也聖朝之高士  
其往也當塗之旅人代宗之初搜羅俊逸拜公左拾遺制下  
於彤庭禮降於玄壤生不及祿歿而稱官嗚呼命歟傳云生  
唐代甲子相懸常於先大夫文字中見與公有潯陽夜宴歸  
則知與公有通家之舊早於人間得公遺篇逸句吟詠在口  
無何叨蒙恩獎廉問宣池按圖得公之墳墓在當塗邑因令  
禁樵採備洒掃訪公之子孫欲申惻薦凡三四年乃獲孫女  
二人一為陳雲之室一乃劉勸之妻皆編戶賤也因召至郡  
庭相見與語衣服村落形容材野而進退閑都應對詳諦且  
祖德如在儒風宛然問其所以則曰父伯禽以貞元八年不  
祿而卒有兄一人出遊一十二年不知所在父存無官父歿  
為民有兄不相保為天之窮人無業以自蚕非不知機杼無  
田以自力非不知稼穡况婦人不任布裙糲食何所仰給儼  
于農夫救死而已久不敢聞于縣官懼辱祖考鄉閭逼迫忍  
恥來告言訖泪下余亦對之泫然因云先祖志在青山遺言

宅兆頃屬多故殯于龍山東麓地近而非本意墳高三尺日  
盜摧圮力且不及知如之何聞之憫然將遂其請因當塗令  
諸葛緞會計在州得諭其事緞亦好事者學為歌詩樂聞其  
語便道還縣躬相地形卜新宅於青山之陽以元和十二年  
正月二十二日遷神于此遂公之志也西去舊墳六里南抵  
驛路三百步北倚謝公山即青山也天寶十二載勅改名烏  
因告二女將改適於士族皆曰夫妻之道命也亦分也在孤  
窮既失身於下俚仗威力乃求援於他門生繼偷安死何面  
目見大父於地下欲敗其類所不忍聞余亦嘉之不奪其志  
復開稅免徭役而已今士大夫之葬必誌於墓有助庸道德  
之家兼樹碑于道余才術倉虛不能兩致今作新墓銘輒刊  
二石一寘于泉扃一表于通路亦峴首漢川之義也庶芳聲

不... 二十卷... 之於時之文士或得之於宗族

編緝... 代銘曰

善... 生輔... 謙真斯為逸人晉有七賢唐稱八  
山... 唯公一焉... 以麴... 暢於文篇... 萬象奔走乎筆  
... 酒... 行必酒... 醉... 席地...  
... 貴乎... 其... 不知夫... 所以... 然... 至今... 疑其醉在  
... 謝家山... 李公墓... 異代詩流同此路  
... 墳... 風雨... 新宅... 爽... 松... 柏... 故... 鄉... 萬里且無嗣二女  
... 民永... 於此... 猗歎... 豈石為二... 一... 臨... 岸... 深谷高  
... 化... 時... 一存一... 數名不... 虧

諸葛武侯廟碑

尚勉

漢代之季天下不得不一分... 益有由矣... 漢王室之威重

孫氏藉父兄之餘業劉氏獨不情凡土國國於亡命行旅之  
間天資一武侯即身足之勢均也公體亮字孔明身長八尺  
魯躬耕隴畝好為陣形既先主所用自此徂南周爰執事夷  
爾年亂靡所不之率使劉氏以岷漢之地為己封梁益之人  
為己膏膏操不敢以兵強驥淮孫權不敢以境關妄動彼相  
之力為屬先主創業未半中道而歿遺詔邦家之事大歸于  
公嗣後主事公如事父至於臨為臣行令如君其名近嫌也  
休為君事臣如父其形近猜也不然豈周公賦鴉鴉之詩成  
王誓金縢之誥此雖大小有異託付不殊竟能上不生疑心  
下不與流言苟非誠信結於人信邦之業用復先君之命正  
公後抱戎仗律無歲不心將以信邦之業用復先君之命正  
以南南益復而不敢意

之智可詭矣故得三關不封二  
戎野祠昨庶蒼祭遺愛所使豈求而得之噫國之將亡本  
必先顛且以蜀之連山峻極其險不為公死而平沃土富饒  
其利不為公死而薄甲兵士卒其眾不為公死而減府藏穀  
帛其富不為公死而貧及鄧艾楊聲於前鍾會躡跡於後滅  
蜀三十萬戶如撓羊群劉禪竟不免而縛壘門身為降虜天  
事歟人事歟天事遠吾不知之矣以人事而論使武侯常存  
殷之敵國勝於本朝百萬之師北向爭衡司馬懿復惕息而  
不敢戰足明中原非曹丕所有也舉其大略真命世之雄未  
可以身許小國之君延霸王之佐因曰才有所詣不逮前賢  
向令伊呂並世而生殷周易地而處則太甲不放桐宮而四

文命貞聖卷一百一十一

海咸理諸侯不誓孟津而天下大定但為天不假年志盡莫就生居於後功績在其下耳然非先主之識武侯或不能輔成於王業使百代令君用人必由此道欲使社稷不振賢智逃於藪澤其可得邪公死之日遺令葬漢中宅軍前祭法曰法施於民以死勤事以勞定國則祀之至今官書廟食成不刊之典一山之內每有風行草動狀帶威神若歲大旱邦人禱之能為雲為雨是謂存與沒人皆福利生死古今一也死而不朽反費於生銘曰

漢室大壞掃地無依人心各動天命未歸甫力爭負有翼者飛突兀卧龍吟嘯待時一論世事起拜軍師魚水相得生死以之仗順收兵行權略地氣蓋全六符吞大魏國政成三人止莫二乃建社稷興王之器既得武侯脆脆魏都敵國未

謀臣已殂大本去矣不降得乎荒墳四頽樹木皆枯尚餘精爽能禁樵蘇人生異代仰止山隅

贈范陽大都督忠烈公李公神道碑 楊炎

秦霸也張祿去魏漢興也淮陰離楚龍鳴風雨之會蛇變泥蟠之中逶迤感通精氣相合斯冥契也豈人力也皇唐贈司空范陽大都督李公諱楷其本出於隴西八代祖節後魏鴈門太守燕齊之亂族沒鮮卑東遷號良將之家北部實大人之種其生激碣其居戴斗海塞回抱輿公之器天星下直為國之祥英氣混茫熊據龍驤望其形得山河之狀觀其銳見金鼓之威神明為徒義勇為器久視中以驍騎歲入于遼西臨太原南震燕趙雲水照于河上天兵宿于北門朝廷憂之有命招諭合以信誓際于天人話言感寤撫劔歎息是歲以



控弦之士七百騎。垂橐入塞，解甲來朝。以其本枝，復賜李氏授玉鈴衛將軍。左奉宸內供奉。圖形雲閣之中，置酒蓬萊之上。君臣相賀，羽衛生光。君子曰：井谷不可以游，龜龍蟻垤不可以戴。松柏漢於是始靖，虜於是始憂。是後殫韎鞞于鴨綠之野，覆株胡于榆關之外。北出障塞，懷其王庭；南救河源，復其死地。石壑之役，以一旅定三軍；冷陪之師，以虛聲破精勁。東封之歲，外將天軍，河湟未寧，西護監牧。雲麾鉄騎，山動地湧。右據清海，北登狼山。冰泮則會師，風高則出塞。皇威振于四海，王化敷于無外。故得大命三錫，天馬輅駟。定國難者兩朝，拖侯服者四紀。會兵車者百勝，出帳下者千人。國有事未嘗不勤勞，無私可謂知禮於戲。天道曖昧，胡星未殞。以營平之年，不終大用。以伏波之病，再出窮荒。天寶元年五月二十日，自河源薨于懷遠縣之師次。春秋六十七，贈營府都督。明年詔葬于富平縣壇山原。維公智之大，竇神之異，門心和體，副慮遠精微，思乎耳目之外，行乎變化之中。震呼戎獯，嘯叱風雲。貔虎之悍，以禮成百物之強。以謀勝，故解甲因之以疲中國。天后取之以空大漠，於中宗開朔方之地。四百里於睿宗，食佐命之邑三千戶。於玄宗則主禁衛，吞諸戎。東西南北，動罔不剋。禦戎安邊，凡十命焉。祚于後也。元子太尉中書令東都河南江淮等道副元帥臨海郡王光弼，少子大傅御史大夫渭北鄜坊等州節度使武威郡王光進，負河圖以列四星，遇英主而當三傑。肅宗之功，復區宇。更為桓文，今上之道。訓華夷，並為召畢。乾元中，天子以公炳德，丕赫積仁，派慶大福，再成沒而不朽。乃命太常，追考功績，謚曰忠烈，贈司空。范

陽大都督夫人贈號韓國夫人於是建廟堂命宗記室有山  
龍之服樂有鍾石之和昭宣令圖是有銘篆銘曰  
茫茫上象降精于北是生純臣其在異國矯矯府君蔚其英  
靈蛇蟠斗極鵬化南溟來于本邦會此天庭風驅虎旅晝食  
狼星綿塞草天隔華夏北距陰山野無胡馬殊勳大績五  
劍玄社天摧武庫海折崑崙在昔遺慶惟曾臧孫曰聖在天  
勤于至道既命太尉又崇太保一門四龍二作元老赫元  
老氣含清真白髮重冠高堂有親帝命韓國祚于夫人亦詔  
蒞丘下寵明神彼丘之榛此石之隣悠悠今德萬古清塵

虞帝廟碑

張正言

堯有天下七十載將遜于位久難其人伯支許由全其節而  
固讓羲仲赫赫審其才而固辭帝德合于天天命歸于帝帝  
盡善也我其試哉由是賓于四門納于百揆星辰合度雷雨  
不迷堯之一女釐降于內堯之九男服勤于外受昭華之玉  
允洽人神泥封祀之金大報天地五臣皆進明賞也四族咸  
黜明刑也先質後文敦俗也貴德尚齒優賢也于斯之時君  
明於上人化於下山川鬼神亦莫不寧鳥獸魚鱉聚乎咸若  
無為而治其聖也歟夫以萬乘之尊一人之責多見軼其軌  
度少能窒其嗜欲瑤臺瓊室堯舜則茅茨土階矣玉食寶衣  
堯舜則藜藿皮裘矣歷代多嬪御堯舜顧禮經娶一姓矣自  
古好征伐堯舜舞干戚懷四夷矣百姓樂堯舜未嘗不樂百  
姓憂堯舜未嘗不憂曆數之來人以位授我謳歌之去我以  
位授人其來也嬰於樊籠其去也脫於桎梏形神非吾有天  
地之委和子孫非吾有天地之委蛻此其所以禪代也近日

曹丕父子。世為漢賊。當昂易之時。發荒唐之論。高視前古。大  
夸群雄。猥以漢魏之間。輒同堯舜之際。此河伯不知於海。若  
盜竊自方。於仲尼也。古人云。堯以義終。舜以勤死。稽諸祀典。  
永為世教。游夏之徒。豈誣也哉。稱堯見囚。小儒之虛誕。為禹  
所放。曲士之穿鑿。攻乎異端。斯害也已。九疑北麓。三湘南澗。  
帝之遺廟。存焉。地僻易蕪。徒生荆棘。水深難涉。誰薦蘋蘩。先  
聖不祀。後賢之過。攝邵陽令。前監察御史宇文。大樹風教。  
小康黎元。相岡巒移棟宇。前豁林莽。滄爽愷之地焉。下指城  
隅。見祈禱之人焉。如或宣室言微。闕宮靈降。娥英近侍。稷契  
旁趨。則歌南風。覲東后。朝衆聖。會群臣。則知湯武不敢升堂。  
自愧于廊廡之下。高光不敢及戶。退慚于闔閭之外。咸康文  
景帝所譏。焉謂也。無孔氏之祖述。有顏子之希慕。作頌於清  
芬勒文於玄石。其銘曰。

系自顓頊。家于勾芒。大口奇表。重瞳異相。俗變山中。風移河  
上。其器不瀛。其人皆讓。二年成邑。三年成都。惟彼陶唐。禘于  
有虞。域中交泰。天下昭蘇。彩鳳聽樂。黃龍負圖。其德難名。元  
功不宰。脫疑城闕。遺形江海。陵廟有依。山川無改。象耕未輟。  
鳥耘猶在。託此巖阿。神心若何。蒸嘗昔少。俎豆今多。百越迢  
遙。九嶷嵯峨。湘雲古色。楚水新波。庭蘿松桂。森若容衛。檐度  
風飈。宛如簫韶。黎庶以寧。陰陽以調。憑茲聖靈。祚我皇朝。

野廟碑

陸魯望

碑者悲也。古者懸而窆。用木。後人書之以表其功德。因留之。  
不忍去。碑之名由是而得。自秦漢以降。生而有功德政事者。  
亦碑之。而又易之以石。失其稱矣。余之碑野廟也。非有政事。

功德可紀直悲夫。眈竭其力以奉無名之土木而已矣。既粵  
間好事鬼。山椒水濱多淫祀。其廟貌有雄而毅。黝而碩者。則  
曰將軍。有溫而愿。哲而少者。則曰某郎。有媪而尊嚴者。則曰  
姥。有婦有容豔者。則曰姑。其居處則敬之以庭堂。峻之以階  
級。左右老木。攢植森拱。蘿葛翳于上。鷓鴣室其間。車馬徒蹂  
叢雜。怪狀震作之。眩怖之。大者椎牛。次者擊豕。小不下犬鷄  
魚菽之薦。牲酒之奠。缺於家可也。缺于神不可也。一朝懈怠  
禍亦隨作。羣儒畜牧慄然。疾病死喪。嗟不曰適丁其時。即  
而自惑其生。悉歸之於神。雖然。若以古言之。則災以今言之。  
則廢乎神之不足過也。何者。豈不以生能禦大災。捍大患。其  
死也。則血食於生人。無名之土木。不當與禦災捍患者為比。  
是於於古也明矣。今之雄毅而碩者。有之。溫愿而少者。有之。  
升階級。坐堂。遮耳。絃匏。口梁肉。載車馬。擁徒隸者。皆是也。解  
民之懸。濟民之渴。未嘗貯于宵中。民之當奉者。一日懈怠。則  
發悍吏。肆淫刑。歐之以就事。校神之禍福。孰為輕重哉。平居  
無事。指為賢良。一旦有大夫之憂。當報國之日。則悃撓脆怯。  
顛躓竄踣。乞為囚虜。之不暇。此乃纓弁言語之土木爾。又何  
貴其真土木耶。故曰。以今言之。則庶乎神之不足過也。既而  
為詩以亂其末。

首陽山碑

皮襲美

天必從道。道不由天。其曰人乎哉。大聖應千百年之運。仁發

於祥義動於瑞上聖帝也。次素王也。莫不應乎天地。亘乎日月。動乎鬼神。或有守道以介死秉志以窮生。確然金石。不足以為貞澹然冰玉。不足以為潔。非其上古聖人。不以動其心。况當世富貴之士。於斯其自信乎道。則天地不可得而應也。嗚呼。夷齊之志。嘗以神農虞夏形於言。由是觀之。豈有意於文武者。然跡其歸。周不從諫而死。彼當求西伯也。而得武王。不曰得仁乎。既得其仁。而不取其諫。則夷齊之死宜矣。太史公以其餓死責乎天道。嗚呼。若夷齊之行。可謂道不由天者乎。如不得仁而餓死。天可責也。苟夷齊以殷亂可乎。而臣於周。則周召之列矣。奚有首陽之阨乎。若夷齊者。自信其道。天不可得而應者也。天尚不可應。况於人乎。况於鬼神乎。


梅先生碑

羅招諫

漢成帝時。編組頽壞。先生以書諫。天子者再三。夫火政雖去。而劔履間健者。猶數百位。尚不能為國家出力。以斷佞臣頭。復何南昌故吏憤。於其下。得非南昌遠地也。尉下察也。苟觸天子網。突倖臣牙。止於強一狂人。噬一單族而已。彼公卿大臣。有生殺喜怒之任。有朋黨蕃衍之大。出一言。作一事。必與妻子謀。苟不便其家。雖妾人婢子。亦櫻挽相制。而况親戚乎。况骨肉乎。故雖有憂社稷心。亦噤而不吐也。嗚呼。寵祿所以勸功而位大者。不語朝廷事。是知天下有道。則正人在上。天下無道。則正人在下。余讀先生書。未嘗不為漢朝公卿恨。今南游復過先生里。吁。何為道之多也。遂碑。

欽定四庫全書

欽定四庫全書 大成卷百五十一



Faint vertical columns of text, likely bleed-through from the reverse side of the page. The characters are difficult to decipher due to fading and the texture of the paper.

The left page is mostly blank, showing the texture and some wear of the aged paper.

